

ԱՐՁԱՆԱԳՐՈՒԹՅՈՒՆ N 2

2015 ԹՎԱԿԱՆԻ ՀՈՒՆԻՍԻ 9-ԻՆ ԺԱՄԸ 16:00-ԻՆ ԿԱՅԱՑԱԾ՝ «ՄԱՍՆԱԳԻՏԱԿԱՆ
ԿՐԹՈՒԹՅԱՆ ՈՐԱԿԻ ԱՊԱՀՈՎՄԱՆ ԱԶԳԱՅԻՆ ԿԵՆՏՐՈՆ» ՀԻՄՆԱԴՐԱՄԻ
ՀՈԳԱԲԱՐՁՈՒՆԵՐԻ ԽՈՐՀՐԴԻ ՆԻՍՏԻ

քաղ. Երևան

Մասնակցում էին՝

Վ. Ավետիքյան	ՀՀ կենտրոնական բանկի իրավաբանական վարչության պետ
Ս. Սիմոնյան	ՀՀ կառավարության աշխատակազմի սոցիալական վարչության պետի տեղակալ
Ա. Գրիգորյան	ԵՊՀ ուսումնական աշխատանքների գծով պրոռեկտոր
Լ. Ֆլյան	ԵՊՀ գիտության և միջազգային կապերի գծով պրոռեկտոր
Լ. Ավետիսյան	ԵՊՀ ուսման որակի գնահատման և վերահսկման կենտրոնի ղեկավար
Ս. Օհանյան	Եվրասիա միջազգային համալսարանի ռեկտոր
Գ. Վարդանյան	ՀԱՊՀ ասպիրանտ, ՈԻՆ նախագահ
Է. Կիրակոսյան	Հայաստանի արդյունաբերողների և գործադրողների (գործատուների) միության գործադիր տնօրեն
Ռ.Թովիցյան	«Մասնագիտական կրթության որակի ապահովման ազգային կենտրոն» հիմնադրամի տնօրեն
Ս. Սարգսյան	Հայաստանի Բանկերի Միության նախագահի տեղակալ
Ա.Ութմազյան	«Մասնագիտական կրթության որակի ապահովման ազգային կենտրոն» հիմնադրամի աշխատակազմի ղեկավար

1. Հիմնադրամի ֆինանսական քաղաքականության և ինստիտուցիոնալ հավատարմագրման գործընթացի սակագների բննարկում և հաստատում

(Ռ.Թովյան, Վ.Ավետիսյան, Ա.Գրիգորյան, Ս. Սիմոնյան, Ս.Սարգսյան,
Ս.Օհանյան, Է.Կիրակոսյան)

Ձևարկումներից հետո որոշվեց՝

1) հաստատել՝

ա. «Մասնագիտական կրթության որակի ապահովման ազգային կենտրոն» հիմնադրամի ֆինանսական քաղաքականությունը՝ դրա նախագծից հանելով 7-րդ կետը,

բ. ինստիտուցիոնալ հավատարմագրման գործընթացի սակագները,

2) հանձնարարել հիմնադրամի տնօրեն Ռ.Թովյանին՝ հոգաբարձուների խորհրդին ներկայացնել տեղեկանք հավատարմագրման գործընթացի սակագների հաշվարկման մեթոդաբանության և ուսումնասիրված միջազգային փորձի վերաբերյալ:

2. Լրամշակված «Փորձաքննության անցկացման ձեռնարկ»-ի հաստատում.
Հավատարմագրման հանձնաժողովի որոշումների բողոքարկման ընթացակարգի փոփոխությունների բննարկում

(Ռ.Թովյան, Վ.Ավետիսյան, Ա.Գրիգորյան, Ս. Սիմոնյան, Ս.Սարգսյան,
Է.Կիրակոսյան, Լ.Ֆլյան, Լ.Ավետիսյան)

Ձևարկումներից հետո որոշվեց՝

1) Հավատարմագրման հանձնաժողովի որոշումների բողոքարկման ընթացակարգում կատարել հետևյալ լրացումները.

ա. 1-ին կետը «մեկամսյա ժամկետում» բառերից հետո լրացնել «, ըստ ՌԱԱԿ-ի մշակած դիմում-բողոքի ձևաչափի:» բառերով,

բ. լրացնել հետևյալ բովանդակությամբ նոր՝ 5-րդ և 6-րդ կետերով.

«5.Նախորդ հավատարմագրման գործընթացում մասնակցած փորձագետները չեն կարող ընդգրկվել նոր փորձագիտական հանձնախմբում:

6. Փորձագետների հանձնախմբի կազմը համաձայնեցվում է ուսումնական հաստատության հետ:»

գ. 7.3) ենթակետը «եզրակացության կազմում:» բառերից հետո լրացնել «Փորձագիտական զեկույցն ուղարկվում է ուսումնական հաստատություն զեկույցում նշված փաստերի վերաբերյալ դիտողություններ և առաջարկություններ ներկայացնելու համար:» բառերով,

դ. 9-րդ կետը «խորհրդի անդամներին» բառերից հետո լրացնել «՝ ի գիտություն:» բառերով,

2) հաստատել՝

- ա. հավատարմագրման հանձնաժողովի որոշումների բողոքարկման ընթացակարգն առաջարկված լրացումներով,
- բ. լրամշակված «Փորձաքննության անցկացման ձեռնարկ»-ը:

3. Ստացված դիմում- բողոքների քննարկում

(Ա.Ութմազյան, Վ.Ավետիքյան, Ռ.Թովփյան, Ա.Գրիգորյան, Ս. Սիմոնյան,
Ս.Սարգսյան, Է.Կիրակոսյան, Լ.Ֆելյան, Լ.Ավետիսյան)

Քննարկումներից հետո որոշվեց՝

- 1) կազմակերպել և իրականացնել Երևանի «Հայբուսակ» և Հյուսիսային համալսարանների կողմից բողոքարկված ինստիտուցիոնալ հավատարմագրման չափանիշների լրացուցիչ ուսումնասիրություններ,
- 2) հավանություն տալ խորհրդի նախագահի ներկայացրած ՈԱԱԿ-ի փորձագետների բազայից ընթրված փորձագետներից ձևավորված հանձնախմբերի կազմերին,
- 3) հանձնարարել ՈԱԱԿ-ի աշխատակազմին՝ պարբերաբար տեղեկացնել հոգաբարձուների խորհրդին ուսումնասիրությունների ընթացքի մասին:

4. Հիմնադրամի ENQA լիիրավ անդամակցության համար նախապատրաստական աշխատանքների ընթացքի քննարկում

(Ռ.Թովփյան, Վ.Ավետիքյան, Ա.Գրիգորյան, Ս. Սիմոնյան, Լ.Ֆելյան)

Քննարկումներից հետո որոշվեց՝

- 1) հանձնարարել հիմնադրամի տնօրեն Ռ.Թովփյանին՝ ս.թ. սեպտեմբերին հոգաբարձուների խորհրդին ներկայացնել ENQA լիիրավ անդամակցության դիմելու նպատակով իրականացված ՈԱԱԿ-ի ինքնավերլուծության նախնական տարբերակը:

5. Հիմնադրամի 2016-2020 թթ. Ռազմավարական ծրագրի հիմնական ուղղությունները

(Ռ.Թովփյան, Վ.Ավետիքյան, Ա.Գրիգորյան, Ս. Սիմոնյան, Լ.Ֆելյան)

Քննարկումներից հետո որոշվեց հանձնարարել՝

1) հոգաբարձուների խորհրդի բոլոր անդամներին մինչև հունիս ամսվա վերջը ՈԱԱԿ-ի աշխատակազմի ղեկավարին ներկայացնել հիմնադրամի ռազմավարական ուղղությունների մասին իրենց դիտարկումները,

2) ՈԱԱԿ-ի աշխատակազմին՝ շրջանառել ներկայացված դիտարկումներն ու հիմնադրամի մոտեցումները, ամփոփել և սեպտեմբեր ամսին ներկայացնել խորհրդի քննարկմանը:

6. ՈԱԱԿ-ի աշխատակազմի հետ հոգաբարձուների խորհրդի հանդիպումներ կազմակերպելու մասին

(Ռ.Թովյան, Վ.Ավետիսյան)

Քննարկումներից հետո որոշվեց՝

1) ՈԱԱԿ-ի գործունեության վերաբերյալ հոգաբարձուների խորհրդի իրազեկվածության բարձրացման նպատակով հանձնարարել հիմնադրամի տնօրեն Ռ.Թովյանին՝ կազմակերպել հոգաբարձուների խորհրդի հանդիպում ՈԱԱԿ-ի աշխատակազմի հետ,

2) հոգաբարձուների խորհրդի նիստի օրակարգի 7-րդ հարցը՝ «Պետական կրթական չափորոշիչները և Որակավորումներ ազգային շրջանակը» քննարկել ՈԱԱԿ-ի աշխատակազմի հետ հանդիպման ժամանակ:

Հոգաբարձուների խորհրդի նախագահ

Վ. Ավետիսյան

Հոգաբարձուների խորհրդի քարտուղար

Ս. Սիմոնյան